



Broj: 01/1-50-1-1-68/09
Sarajevo, 7.4.2009. godine

Z A P I S N I K

68. sjednice Ustavnopravne komisije

Sjednica je održana 7. 4. 2009. , s početkom u 12,30 sati.

Sjednici su prisustvovali članovi Komisije: Šefik Džaferović, Momčilo Novaković, Halid Genjac, Drago Kalabić, Velimir Jukić i Martin Raguž.

Sjednici nisu prisustvovali članovi Komisije: Lazar Prodanović, Adem Huskić i Ekrem Ajanović.

Osim članova Komisije, sjednici su prisustvovali predstavnici: Ministarstva pravde BiH Milana Popadić, predstavnici Ministarstva vanjskih poslova BiH: Zoran Perković i Dag Đumrukčić, predstavnica OHR-a Jelena Despot, predstavnica OSCE-a Amra Zorlak, predsjedavajući Ustavnopravne komisije Doma naroda Ivo Miro Jović, te iz Sektora za odnose s javnošću PSBiH Medina Delalić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje Zapisnika 67. sjednice, održane 26.3.2009. ;
2. Prijedlog zakona o izmjenama i dopunama Zakona o sportu BiH, predlagač Dom naroda PSBiH (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
3. Prijedlog zakona o osiguranju proporcionalne etničke zastupljenosti u organima uprave i lokalne samouprave u BiH, predlagač: Klub poslanika SDA (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
4. Prijedlog zakona o kontroli vanjskotrgovinskog prometa roba i usluga od strateške važnosti za sigurnost BiH, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
5. Prijedlog zakona o postupku zaključivanja i izvršavanja međunarodnih ugovora, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
6. Prijedlog zakona o advokaturi BiH (**postupak u nadležnoj komisiji u skladu s članom 110. Poslovnika Doma**);

Ad.1. Usvajanje zapisnika 67.sjednice Komisije, održane 26.3.2009.

S obzirom da nije bilo rasprave, Komisija je jednoglasno usvojila Zapisnik 67. sjednice.

Ad.2. Prijedlog zakona o izmjenama i dopunama Zakona o sportu BiH, predlagač Dom naroda PSBiH (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);

Komisija je nakon rasprave, s pet glasova „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavnopravna komisija je, s tri glasa „za“, dva glasa „protiv“ i jednim „suzdržanim“ glasom, podržala principe Prijedloga zakona o izmjenama i dopunama Zakona o sportu BiH.

Ad.3. Prijedlog zakona o osiguranju proporcionalne etničke zastupljenosti u organima uprave i lokalne samouprave u BiH, predlagač: Klub poslanika SDA (usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma)

Predsjedavajući je otvorio raspravu u kojoj je učestvovao član Komisije Momčilo Novaković.

Komisija je nakon rasprave, sa četiri glasa „za“, dva glasa „protiv“ i bez „suzdržanih“ glasova, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ustavnopravna komisija je, sa četiri glasa „za“, dva glasa „protiv“ i bez „suzdržanih“ glasova, podržala principe Prijedloga zakona o osiguranju proporcionalne etničke zastupljenosti u organima uprave i lokalne samouprave u Bosni i Hercegovini.

Ad.4 Prijedlog zakona o kontroli vanjskotrgovinskog prometa roba i usluga od strateške važnosti za sigurnost BiH, predlagač: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma)

Komisija je nakon rasprave jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.5. Prijedlog zakona o postupku zaključivanja i izvršavanja međunarodnih ugovora, predlagač: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma)

Predsjedavajući je otvorio raspravu u kojoj je učestvovao član Komisije Momčilo Novaković.

Komisija je nakon rasprave jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.6. Prijedlog zakona o advokaturi BiH (postupak u nadležnoj komisiji u skladu s članom 110. Poslovnika Doma)

Predsjedavajući je otvorio raspravu u kojoj je učestvovala predstavica Ministarstva Pravde BiH Milana Popadić.

Na Prijedlog zakona, amandmane je podnio poslanik Sefer Halilović.

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila amandman I. koji glasi:

Amandman I.

U članu 18. stav (2) mijenja se i glasi:

„(2) Nakon sazivanja i održavanja konstituirajuće i izborne sjednice Skupštine, redovne sjednice Skupštine održavat će se obavezno jednom godišnje.“

Nakon stava (2) dodaju se novi stavovi (3) i (4) koji glase:

„(3) Izborna sjednica Skupštine održava se svake četiri godine i na njoj se biraju predsjednik i dva potpredsjednika Advokatske komore Bosne i Hercegovine, dio članova

Upravnog odbora i Nadzornog odbora.“

„(4) Vandredna sjednica Skupštine održava se po potrebi i saziva je Upravni odbor ili jedna trećina delegata Skupštine pismenim zahtjevom upućenim predsjedniku i dvojici potpredsjednika Advokatske komore BiH kao i u Upravnom odboru koji su obavezni u roku od 15 dana pripremiti, sazvati i održati vandrednu sjednicu Skupštine koja će sadržajem svog rada biti fokusirana na razlog njenog sazivanja.“

Postojeći stavovi (3) i (4) postaju stavovi (5) i (6).

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila Amandman II. koji glasi:

Amandman II.

U članu 22. stav (3) mijenja se i glasi:

„(3) Odluka Upravnog odbora iz tački b), c) i i) stava (1) ovog člana je upravni akt protiv kojeg nije dozvoljena žalba, ali se može pokrenuti upravni spor pred Sudom BiH.“

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila Amandman III. koji glasi:

Amandman III.

U članu 23. stav (2) treba da bude zaseban član i da nosi naslov "Sekretarijat Advokatske komore Bosne i Hercegovine", s obzirom na pitanje koje uređuje.

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila Amandman IV. koji glasi:

Amandman IV.

Iza člana 23. dodaje se novi član 24. koji nosi naslov "Nadzorni odbor" i koji glasi:

(1) Nadzorni odbor Advokatske komore BiH ima pet članova. Predsjednik i članovi Nadzornog odbora biraju se na izornoj sjednici Skupštine.

(2) Članovi Upravnog odbora ne mogu biti članovi Nadzornog odbora.

(3) Nadležnost, sazivanje, organizacija i rad Nadzornog odbora utvrđuje se Statutom Advokatske komore BiH.

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila Amandman V. koji glasi:

Amandman V.

U članu 25. stav (2) mijenja se i glasi:

(2) Upravni odbor Advokatske komore BiH imenuje Odbor za reviziju finansijskog i materijalnog poslovanja Advokatske komore BiH koji ima pet članova, koji između sebe biraju predsjednika.

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila Amandman VI. koji glasi:

Amandman VI.

Naslov člana 31. treba da glasi: ""Pravilnik o polaganju advokatskog ispita".

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila Amandman VII. koji glasi:

Amandman VII.

U članu 34. tačka d) u drugom redu iza riječi -tužilaštvu- dodaju se riječi ili u pravobranilaštvu.

Komisija, bez glasova „za“, sa jednim glasom „protiv“ i pet „suzdržanih“ glasova“, nije prihvatila Amandman VIII. koji glasi:

Amandman VIII.

U članu 36. brišu se stavovi (4) i (5) jer su u koliziji s tačkom b) stava 1. člana 22. i stav 3. člana 22.

Komisija, bez glasova „za“, s jednim glasom „protiv“ i pet „suzdržanih“ glasova“, nije prihvatila Amandman IX. koji glasi:

Amandman IX.

Član 82. koji nosi naziv ""Nadležnost za pokretanje disciplinskog postupka- treba razdvojiti u dva člana, i to da član 82. sadrži stavove (1), (2) i (3), a novi član da sadrži stavove (4), (5) i (6), koji bi bili stavovi (1), (2) i (3) tog novog člana.

Nakon rasprave, s četiri glasa „za“, dva glasa „protiv“ i bez „suzdržanih“ glasova, Komisija je:

- prihvatila tekst Prijedloga zakona o advokaturi BiH bez amandmana i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

S obzirom da nije bilo više pitanja, sjednica je završena u 13, 30 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović